

SANITÉ: La doturia Margarete Mahlknecht é demez le lönesc ai 9 d'aurí, y vègn sostituida dal dotur Eduard Agreiter 0474 523 315 - 333 13 80 852.

L'apoteca "Pütia" a Picolin é stlütta dai 8 ai 15 d'aurí.

COMUN: En sabeda ai 14 d'aurí, dales 9.30, inaudaziun dla Ciasa di Pici y dla Scolina a San Martin. Düc é bel inviaá.

PLOANIES DA SAN MARTIN Y LUNGIARÜ

En sabeda, ai 14 d'aurí, dales 14.00, vègnel zelebré sö Oies na Mëssa por families cun familiars "atramënter abli". Düc i familiars é inviaá da tó pert.

Le lönesc ai 16 d'aurí s'abina indô le Consëi dl'Unité Pastorala Val Badia.

SAN MARTIN

Dan dl'ija é na bëna por le patüc biologich che vègn tut demez dales fosses y nia na desciaia dal ciomënt por fassli y de vigni sort de material de plastica. Präibel, i orun se tigní a chësc, zënza mëssera gní tuta demez.

LUNGIARÜ

La Uniun di Èi da Lungiarü rengraziëia por la buna partezipaziun ala lita di surastanc dla uniun y ti dij dër bel dilan a chi che á azeté l'inciaria: a Hanspeter Clara, Pio Mischi, Dolorico Mischi y Tobias Clara.

En mercui, 11 d'aurí, dales 20.00 vègnel tigní tl salf dles manifestaziuns a Lungiarü n referat cun siur Tone Fiung sura le tema "N bun raport danter les generaziuns" (organisé dala Uniun di Seniors da Lungiarü). Inviades é dötes les generaziuns.

En jöbia, ai 12 d'aurí, dales 15.30 - 17.30 tl Raiun Sozial a Picolin incuntada dl Grup Atmosfera por ères y èi atocá da problems psichics. En chësc iade modelunse l'arjila do nosta fantasia cun Irina Tavella y Barbara Rungger. Infos pro Sabine Rainer 0474 524 519. Düc é bëgnnüs.

Le vëndres, 20 d'aurí, dales 9.30 - 11.30, a Al Plan tl Zënter Families Mareo vègnel mostré deplü poscibilités da porté i pici mituns (ince cun la peza), por ciaté fora cara che vá le miú por uma y möt. Le curs é limité a 4 porsones. Informaziuns y prenotaziuns pro Sofia 338 71 73 577.

Le Cor Mosaic Singers&Players inviëia al concert en sabeda, ai 14 d'aurí, dales 20.00, tl salf dles manifestaziuns d'Al Plan „N monn de sonns – usc fines se lascia aldí“.

Al vègn tigní n curs da fá de vigni sort de trëces tl Salon Manuela en lönesc, ai 23 d'aurí, dales 15.00 inant. Por prenotaziuns präibel telefoné a Manuela 0474 590 114 o 339 20 24 355. (Organisé dala Uniun dles Patrones dl Comun da San Martin de Tor).



www.unitepastorala.org

Plata dles Ploanies San Martin y Lungiarü

siur Iaco Ploner 333 48 32 765 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

08.04.18 – 15.04.18 nr. 19

termo da publiché: jöbia 20.00
radio: 90,40 / 93,70



2ª DOMÈNIA DE PASCA – B DOMÈNIA DLA MISERICORDIA

Vangele do San Jan 20,19-31

Otedé do ê i discepui indô abinà adöm, y Tomesc ê laprò.

Dailò é gnü Gejù – les portes ê stlüttes pro –

é jü amesa èi ite y à dit: Pêsc a os!

Spo ti àl dit a Tomesc:

Tègn ca to dèit – chilò é mies mans!

Tègn ca tûa man y mètela te mi costà,

y ne stè a ester descredënt, mo credënt!

Tomesc ti à respognü: Mi Signur y mi Dî!

Gejù ti à dit:

Deache te m'as odü, crëieste.

Beâc é chi che ne vèiga nia y crëi impò.



Tègn ca to dèit y mèt tûa man te mi costá!

Sce Tomesc la vega da le fá - le vangele ne le dij nia –

spo é chësc feter n abrac, tan co le scomenciamënt

de n movimënt che le condüj a sintí la vita dl Ressorí.

Ci che Gejù ó, chël é tler: Al ó che Tomesc pëies ite.

Mète la man tl costá davert ó dí: sintí dër sot ci che mort y vita significhëia,

y nia ma aziché dër fin por respet.

Te Tomesc é val' che se rodosa:

Le compagn mort devënta le Signur y Dî viënt,

le dubitadú che ne crëi nia devënta n testimonè sigü.

Le Ressorí fej val' fora de nos,

sc'i la vagun da brancé tla vita, da l'abracé,

da se möie cun slöm tres ël y cun ël.

Prësc sciöche te n bal, sü vari é sigüsc, sc'i ciumpedun nes tègnel.

Tomesc l'á sintí. (Christina Brunner)

	SAN MARTIN	LUNGIARÛ	 Alleluia, fredesc y sorus, Crist é ressorí! Chèsta é nosta segurèza, nosta ligrèza, chèsta é nosta fede. I ciantun l'Alleluia dla vita canche döt é bel y ligher, mo i ciantun ince l'Alleluia dla mort, scemí cun legremes y dolur, canch'i deciantun la vita che ne mör nia. Al é l'Alleluia dla Pasca de Crist Ressorí che á desdrüt la mort. I ciantun l'Alleluia de chi che crèi, de chi che á odü le sepolcher öt, de chi che á incunté Gejú söl tru de Emmaus. I ciantun l'Alleluia de chi che ne crèi nia, por chi che dubitèia y é malsigüsc. I ciantun l'Alleluia dla vita che va cuntra sèra dl peregrin sön tru che vá a imparé da cianté l'Alleluia dl cil, l'Alleluia dl'eternité.
08.04.18 2ª DOMÈNIA DE PASCA <i>Domènia dla Misericordia</i> <i>Domènia Blancia B</i>	<i>Festa di maridá iubilaris</i> 9.00 Corona 9.30 Gran Mëssa dla comunité <i>cun i maridá iubilaris</i>	7.55 Corona 8.15 Gran Mëssa por la comunité	
09.04.18 Lönesc ANUNZIAZIUN DL SIGNUR <i>Waltraud, Conrad</i>			
10.04.18 Dedolönesc <i>Engelbert, Ezechiel</i>	19.30 Mëssa + Maria Unterweger + + Loise Videsott y Loise Mutschlechner Videsott (dl ann)		
11.04.18 Dedemesaledema/Mercui <i>Gemma Galgani, Stanislaus</i>		7.30 Mëssa + + Maria y Lidia Clara + Pire Clara, Mair	
12.04.18 Jöbia <i>Zeno, Herta</i>	7.30 Mëssa + Paul Vantsch + + Pedevilla, Ju Corona por vocaziuns		
13.04.18 Vëndres <i>Martin, Ida</i>	18.30 Adoraziun chîta 19.00 Funziun dl tëmp de Pasca 19.00 a Picolin Mëssa dl Grup "Stabile"	7.30 Mëssa fam. Sepl Clara dl ann + Frida Sorá dl ann + Davide Dapoz	
14.04.18 Sabeda <i>Ciascian y Vigile, patrons diozejans</i>	15.30 Mëssa tla Ciasa de Palsa 18.30 Mëssa prefestia por les families de Doro Verginer + + Angela y Matî Clara <i>l'oferta vá al'Université Catolica</i>	20.00 Mëssa prefestia por i nüc Monica y Philipp dl ann + Sabine Dejaco + Lois Pitscheider + Albino Daporta <i>l'oferta vá al'Université Catolica</i>	
15.04.18 3ª DOMÈNIA DE PASCA B <i>Festa de S. Ciascian y S. Vigile</i>	9.00 Prozesciun de San Germano 9.30 Gran Mëssa dla comunité + Maria Tavella Vanzi + Lena Costabiei Moling <i>l'oferta vá al'Université Catolica</i>	7.55 Corona 8.15 Gran Mëssa por la comunité <i>l'oferta vá al'Universit Catolica</i>	